

四庫全書存目叢書編纂委員會編

齊魯書社

四庫全書存目叢書

子部
第一八三冊



魯新登字 07 號

責任編輯：孫言誠 賀 偉

ISBN 7-5333-0478-0



四庫全書存目叢書·子部一八三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.25 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：783.00 圓

子部第一八三冊目次

子部・類書類

國憲家猷五十六卷(一)

〔明〕王可大輯
北京圖書館藏明萬曆十年自刻本

.....一

國憲家猷五十六卷(一)

〔明〕王可大輯

北京圖書館藏明萬曆十年自刻本

原缺前半葉

聞見益多又愼事書上
而

朝廷之政足垂憲萬世興
去先代已試之績驗於古
而實於今下迄卿大夫士庶

人之可造可行家門之內
不必賴古者分類而禁書
之編纂晚而以其教生
也乃刻之木名為國系家
猷兒者為不以為主事以

國憲家猷

取而名之行事則紀綱制
度天常民彝庶民禪於
廟堂而官守民事不盡
補塞者為文誡議研考
下至生養九席之習均可

為達道之德也

萬曆壬午春正月上元日江

東王可大謹

國憲家猷目錄

第一卷

憲典一

第二卷

憲典二

第三卷

憲典三

第四卷

憲典四

國憲家猷

第五卷

憲典五

第六卷

憲典六

第七卷

憲典七

第八卷

憲典八

第九卷

少

憲典九

第十卷

憲典十

第十一卷

憲典十一

第十二卷

象緯

第十三卷

機祥一

國憲家猷

第十四卷

機祥二

第十五卷

機祥三

第十六卷

輿圖

第十七卷

事理一

第十八卷

少

第十九卷

事理三

第二十卷

事理四

第二十一卷

事理五

第二十二卷

事理六

第二十三卷

事理七

第二十四卷

事理八

第二十五卷

文史一

第二十六卷

文史二

第二十七卷

文史三

國憲家猷

第二十八卷

文史四

第二十九卷

文史五

第三十卷

文史六

第三十一卷

文史七

第三十二卷

文史八

第三十三卷

文史九

第三十四卷

文史十

第三十五卷

文史十一

第三十六卷

文史十二

國憲家猷

國憲家猷卷之一

憲典一

東吳王可大元簡甫集著

金人克遼滅宋都燕山故城在今北京城之西南十里今禁垣內所存瓊花島梳粧臺皆金故物也瓊島即蒙古輦貢之石積而爲山粧臺則章宗所營以備李妃行園而添粧者都人訛爲蕭太后梳粧樓章宗偕妃登臺得二人土上坐之句妃即以一月日邊明爲對今以地方計之

國憲家猷

臺島即今萬歲山太液池等在金時當介都城東壯隅入元改築城隍

國朝因之前山池臺島則在禁禦之西南矣

京師古幽薊地左滄海右太行壯居庸南河濟古稱天府之國遼金元常於此建都我

太祖時爲建平布政司成祖龍潛於此及繼大

統遂建北京其時猶稱行在正統中始稱京師

云南京古金陵地周末時已有王氣秦始皇謂

東南有天子氣諸葛亮謂龍蟠虎踞真帝王都

即此吳晉宋齊梁陳及南唐嘗於此建都

太祖乃定謁於此山東古青兗二州地漢於青

州兗州各置刺史唐宋因之東西分治元始合

爲東西道宣慰燕路山西古冀州地漢分冀

西境置并州部刺史唐置河東道兼置河東路

元置河東山西道宣慰燕路訪司陝西古雍州地

漢都於此置司隸校尉領三輔置涼州刺史唐

初置關內道已而置京畿關內隴西等道

宋初置陝西路後置六路元置陝西行中書省

國憲家猷

及陝西漢中道燕路訪司甘肅等行中書省及河

西隴北道燕路訪司我朝始合爲一置陝西布

政司而設行都司分治甘肅云河南古豫州漢

置豫州刺史唐置河南道開元置都畿河南河

北三道宋都汴置京東東西二路元置河南江

北行中書省燕路訪司我朝置河南布政司浙

江古揚州地漢會稽郡兼統兩浙隸揚州部刺

史唐貞觀中隸江南道後增置江東道宋初以

兩浙爲一路後浙東西爲兩路元置江浙行中

書省及浙東浙西二廉訪司我朝合兩浙
浙江布政司江西古揚州地漢領以揚州部刺
史唐隸江南道後分爲江南江西道宋置江南
西路元置江西行中書省及江西湖東道廉訪
司湖廣古荊州地漢置荊部刺史唐貞觀中領
以江南道後增置十五道宋置荊湖南北二路
及京西南路元置湖廣行中書省及江南湖北
道荊湖北道山南江北道湖廣道嶺北湖南道
宣慰廉訪司我朝合置湖廣布政司四川古

國憲家猷

卷一

梁州地漢置益州部刺史唐貞觀中置劍南道
後置劍南并山南東山道宋爲四川路後分東
西兩路又分益慶利夔四路元置四川行中書
省及置西蜀四川道廉訪司福建古閩越地漢
以揚州刺史領之唐初隸江南道復隸江南東
道大曆中始置福建觀察使宋置福建路元置
福建行中書省及福建宣慰廉訪司廣東古百
越地漢置交州部刺史唐貞觀中置嶺南道後
分爲嶺南東道宋置廣南東路元置廣東道又

置海北海南道宣慰廉訪司隸江西行中書省
我朝改置廣東布政司廣西古百粵地漢領
於荊交二州部刺史唐以其地隸嶺南道後分
爲嶺南西道宋屬廣南西路元置廣西兩江道
及嶺南廣西道宣慰廉訪司俱隸湖廣行省至
正末置廣西行中書省我朝因之雲南古梁
州南境爲徼外夷地漢置益州郡領於益州部
刺史自唐至宋爲蒙氏段氏所據元置雲南行
中書省及廉訪司又置曲靖臨安大理金齒等

國憲家猷

卷一

處宣慰司貴州古西南夷羅施鬼國地元置八
番順元等處軍民宣慰司本朝洪武初以其
分隸湖廣四川雲南三布政司永樂十一年始
置貴州布政司

元方谷珍始末皆李知白德新有海精一作錄
王華亭叔淵有方寇事略後因輯之爲方寇始
末云元至正戊子年黃巖楊嶼方谷珍兵起先
是童謠云楊嶼青山賊精蓋楊嶼乃瀨海巖石
山至是盛生草木已而谷珍生兄弟三人長谷

珍次谷璋後避高廟偏諱改谷玳次谷瑛咸有
督力走及奔馬一日侵晨詣南塘戴氏借大桅
木造船將入海貨塩戴世宦屋有廳事時主人
尚卧未起夢廳事廊柱有黑龍蟠繞屋爲驚憾
驚寤視之乃谷珍抱柱盤旋爲戲遂以女妻其
子至正四年秋七月海嘯大風吹潮浸漫海自
平陸二三十里谷珍故海濱塩徒也以半盆與
蔡亂頭讐相殺州郡不予直已而蔡亂頭剽劫
海商行省懸格命捕之谷珍故蔡讐也又貪蔡

國憲家猷

賞功遂糾集鹽伴數千人欲以捕蔡蔡懼自投
於官時總管焦陽等納蔡之賂薄其罪不加誅
谷珍忿曰蔡能爲盜我不能耶已又以逋租故
州郡遣巡檢某率寨兵往捕谷珍時谷珍方食
左手執食卓爲牌右持大扛爲棍格殺之遂起
叛入海爲亂劫掠漕運有詔命江浙叅政朶兒
只班討捕之追至福州谷珍知事危焚舟將遁
元兵自相驚潰朶兒只班遂被執谷珍迫其上
招降之狀朝廷從之遙授谷珍海運千戶谷珍

不肯赴勢益猖獗歲庚寅十一月賊船千艘泊
松門港借糧居民罔敢不予十二月攻温州路
燒掠沿海諸縣元遣字羅帖木兒往擊之十一
年六月兵至大開洋谷珍夜率勁卒縱火鼓譟
官軍不戰皆潰赴水死者過半字羅帖木兒及
郝萬戶皆被執谷珍拘留置舟中使求招安二人
反爲飾詞上聞郝故出高麗后位下請托得行
遂特旨釋之衆議爲立巡防千戶所官五品設
長貳叅授其三兄弟及可任百戶者十人籍其

國憲家猷

所聚兵悍剽三千人操船八十艘廩給之爲巡
防計朝命悉從之復遣大司農達識帖木兒邇
等至黃巖招降谷珍兄弟皆登岸羅拜退止民
間紹興總管秦不華欲命壯士襲殺之達識帖
木兒邇曰我受詔招降公欲擅命耶事乃止明
年以秦不華爲台州路達魯花赤時勝國方征
徐州命泗江行省募舟壯守大江谷珍懷叛復
劫其黨入海秦不華遣義士王大用往諭谷珍
拘留遣其風黨陳仲達往來議降秦不華具舟

張受降旗乘潮下澄江觸沙不行垂與谷珍遇呼仲達中前議仲達目動氣索泰不華覺其心異手斬之即前搏賊船奮擊之賊群至欲抱持入其船泰不華瞋目叱之奪刀殺賊賊攢槊刺之中頸死十二年六月谷珍坐定先觀遣悍兵入黃巖城燬官寺民居邑蕩爲墟八月攻台州元帥也迷失擊走之十三年勝國復遣江浙左丞帖里帖木兒南臺侍御史左答納失里招諭谷珍旣而二人報谷珍已降乞授以五品流官

國憲家猷

卷六

令納其船散遣徒衆遂降金符三宣授三拜谷珍爲徽州路治中谷珉廣德路治中谷瑛信州路治中又降銀符十二銅印大小十一勅授十五拜其頭目官有差命兵部員外郎曲出分頒伐石立宣德碑副元帥鐵珂潘省元伯修之同年進士也谷伯修制爲碑仍強其室珍所力申降議谷珍等疑懼不受命仍據船千艘據海道阻絕糧運是時瀕海豪傑若蒲岐趙綱司家陳子潛白楓陳恢等皆憤極傾家募士爲官收歸

樞密院食院谷瑛福建行省叅政降以銀印遣博士夏煜齋往慶元開府授之谷珍心持兩端惟谷珉行用樞密院印其餘印留而不用覘觀成敗

太祖寬容之谷珍旣又遣檢校燕敬進金玉飾馬鞍轡來獻上曰吾方有事四方所需者文武才能所用者穀粟布帛其他寶玩非所好也悉却之是年十一月元授谷珍江浙行省平章事已又改爲淮南左丞相至正二十年

國憲家猷

卷六

九

太祖以谷珍心持兩端復遣博士夏煜楊憲往諭之谷珍答曰當初獻三郡時嘗請天朝發軍馬來守交還城池不期至今不來若奉正朔實慮張士誠陳友諒來攻援者不至則危矣姑以至正爲名彼則無名罪我况元朝亂者元亦惡之不得已而招我三兄弟授以職名我弱則不容矣嬰之從命必須多軍馬來守即當以三郡交還上笑曰且置之候我克蘇州彼雖欲奉正朔亦晚矣至正二十六年元復以谷珍爲

浙行省左丞相谷珉谷瑛姪明善並爲平章政事吳元年我攻蕪州谷珍擁兵坐視七月遂遣御史大夫湯公和督諸軍討之先是谷珍之初降也約云杭城下即納地來朝及克杭州谷珍據境自若乃累假貢獻覲我虛實爲叛服計又壯通擴廓帖木兒南交陳友定圖爲犄角上累書責其懷奸挾詐陽降陰叛且徵其貢糧二十萬石谷珍不服上遂遣和總帥吳祺爲副率諸衛軍討之論之曰爾等奉詞討罪勿縱殺

國憲家猷

戰當如徐達下姑蘇平定安輯乃副吾所願也和等兵至慶元谷珍懼遂遁入海島吳祺引舟師乘潮夜入曹娥江夷壩通道追至盤輿合戰敗之大獲其戰船糧重而還九月執張士誠及其官屬送建康復命江浙行省參政朱亮祖率馬步舟師討谷珍弟國瑛於台州兵至天台縣縣尹涉繁以城降進向台州谷瑛出兵拒戰擊敗之遂乘城拒守士卒無鬪志往往逃潰谷瑛度不能禦以巨艦載妻子夜奔黃巖

亮祖入其城遂徇下仙居諸縣進兵溫州守于城南七里谷珍之子明善將兵拒戰我師敗之追至城下分兵攻其四門明善遂挈妻子遁去亮祖入城撫諭其民分兵徇瑞安守將周僉僉伯通亦降時谷珍遁入海島十一月上復命廖永忠爲征南副將軍率師自海道會湯和等兵討之其部將多來降諸郡縣相繼皆下谷珍惶惑失措和等復遣人招諭之十二月谷珍乃遣子明完奉表謝罪乞降上覽表憐之乃賜

國憲家猷

書曰昔汝外示歸誠中懷譎詐今勢窮來歸辭甚哀懇吾當以汝此誠爲誠不以前過爲過汝勿自疑率衆來歸悉從原宥谷珍乃親率其昆弟子姪并所部將士待罪軍門湯和送谷珍等至建康寬赦不問以谷珍爲廣西行省左丞浙東丞平洪武二十四年四月上遣信國公湯和來浙江相視緣海要害可爲城守之處具圖進請以寧波紹興台溫四府民戶三丁取一用充夫役築設備倭衛所城池命方鳴謙爲之副

行至台之松門適文啓以待缺在家鳴謙抵其
家留宿焉出示綠海要害地圖紹興於餘姚縣
西北設臨山衛東北設三山千戶所於山陰縣
東北設二江千戶所會稽縣東北設瀝海千戶
所俱隸臨山衛靈波於府城西一百五十里設
觀海衛南三百五十里象山縣境設昌國衛於
定海縣東北設定海衛又設中中千戶所中左
千戶所東南設大嵩千戶所鄞衛千戶所隸定
海衛又於府城北七十里設龍山千戶所隸觀

國憲家猷

卷二

十二

海衛南三百七十里設石浦前後二千戶所南
二百六十里設錢倉千戶所俱隸昌國衛台州
於府城東九十里設海門衛及前千戶所東南
一百九十里設松門衛又於海門南五十里設
新河千戶所東壯一百一十里設健跳千戶所
俱隸海門衛松門南六十里設隘頑千戶所又
南一百二十里設楚門千戶所俱隸松門衛其
海門東北五十里議設桃渚千戶所規畫未定
尚不敢入圖温州於平陽縣南七十里設金鄉

衛樂清縣東六十里設盤石衛瑞安縣東南設
海安沙園二千戶所平陽縣五十里設蒲門千
戶所東北五十三里設壯士千戶所俱隸金鄉
衛樂清縣南設蒲岐千戶所永嘉縣東設靈村
千戶所俱隸盤石衛四府揀壯丁約計三萬五
千有畸用脩築城夫役是歲七月二十九日奏
上得報凡衛城隨興工浚築盡發州縣庫藏錢
米及抄沒財物給與磚石工匠往往過其估值
壯丁月給米五斗官賦畚鍤既而夫役往往折

國憲家猷

卷二

十二

毀民家石墻及拉取畚鍤石破之以克官用
民間謠曰瓦窰石倉是米袋個個人家沒畚鍤
一甲廿里路外賃畚鍤文啓詣鳴謙以其謠聞
之鳴謙許爲呈白信國翼日乃厲聲謂文啓曰
成大功者不計小費任大事者不顧細謹閭閻
細民乃敢倡爲謠言沮格國家大事已令人密
訪敢有再興浮議者定以軍法從事已而不逾
歲而衛城訖功其各所城池聽壯丁關支官糧
限三歲以裏完築奏報又按視勝國寨兵去處

增減其制設巡檢司五十一所其弓兵取諸徭役既而復以壯丁分充各衛所軍伍其孱病者汰而去之大都民間四丁取一缺數則以謫發者補足之凡沿海州郡免解軍糧俱納各倉以爲軍伍糧食事竣鳴謙從信國將北上寄一詩留別文啓曰新築諸城上未乾西風吹得膽先寒六朝相業隨灰冷三國山河與堞來槎浮海去番思束帶出朝端明朝匹馬陽關道杜宇聲聲喚不還文啓亦賦一詩送之後又六

國憲家猷

年澤以事赴松門文啓出海圖見示且備述前事因言各所城池遷延至六七歲尚未訖功煩反倍於昔然後知信國公方略指揮誠未易嘗議也文啓姓王黃嚴松門人叔潤亦姓王號華亭

王蒼山文啓自元末以能詩著名我

聖祖既平定海內廣求山林遺逸文啓用州郡薦辟除授濟南府經歷洪武十八年以考滿赴銓郡鄉人廣陽衛指揮方鳴謙以宿衛勤勞

上出內廐五花馬賜之鳴謙即方平章谷珍從子也榮修上賜請文啓賦詩方遜志希直作序朝士續而磨和成映以爲家寶

洪武二年三月倭夷暫泊舟寧波港以進貢爲名既而出沒海島中數侵掠蘇州崇明凡沿海之地皆患之太倉守禦指揮僉事翁德帥官軍出海捕之遇於海門之上幫及其未陣衝擊之所殺不可勝計生獲數百人歸其兵器海船奏至詔陞德指揮副使仍命往捕未盡倭寇遣使

國憲家猷

祭東海神曰惟受命上穹爲中國主惟圖又民罔敢怠迨蠢彼倭夷屢肆寇劫濱海州郡實被其殃命將統率冊師揚帆海島乘機征勦以靖邊氓特備牲醴用告海神洪武七年七月江上倭寇有警命靖海侯吳積率沿海各衛兵出捕至琉球大洋獲倭寇人船俘送京師洪武十八年三月思州及五開山諸洞蠻寇作亂命信國公湯和率師討之已而撫杭紹興諸郡報海上倭夷入寇上召廣洋衛指揮方鳴謙咨問海

防事宜秋八月涉和征蠻功成還京師以
恩故鄉從容乞骸骨 上喜之賜鈔五萬計
造鳳陽宅而謂和曰日本夷屢擾東海卿
老強爲朕行視要地築城增戍以固守備和受
命遂率方鳴謙行視築海上數十城民四丁取
一以守之又慮陸寇之患復於海洋馬蹟六箇
陳錢三山設置大青八槳諸戰艦每艘兵五百
輪選諸衛官軍多設火鏡器械簡指揮使統領
往來探哨用絕其島航之路謂之出海水寨船

國憲家猷

命叅將或都指揮稽攷軍次用行黜陟賞罰之
典每衛五所總計小旗軍二千五百名內簡抽
五百名出海至明年則於守城兵復簡抽五百
名交代定爲常例凡賞勞諸出海者比守城者
稍加豐厚軍政考格每衛掌印指揮一員簽書
二員管操指揮一員出海指揮二員或一員巡
捕帶管屯指揮一員自是倭寇遂靖沿海居民
咸得農桑守家長子育孫焉先是
太祖皇帝召方指揮鳴謙廷問曰爾家世出入

海島爲生今既歸降可歷陳海防利弊以效爾
忠鳴謙對曰但於沿海六十里設一軍衛三十
里設一守禦千戶所又錯間巡檢司以民兵策
應復於海洋三大山設水寨戰船兵丁無虞矣
上曰兵於何取鳴謙對曰自兵興以來軍強民
弱民皆樂於爲兵但於民間四丁抽一無不樂
從者倘猶不足則於舊時僞將原所報募兵有
散居民間者訪得拿克無不足者

國憲家猷

至正十一年黃河決叅議賈魯欲建不世之功
首勸脫脫丞相開河以復大禹故道山東連荒
復集夫數十萬民恐已思亂矣而樂城人韓山
童自祖父以白蓮會燒香惑衆至山童因棗陽
有男週歲暴長四尺鰭腹如世所塑布袋和尚
者遂倡言彌勒下生天下當亂又陰鑿一眼石
人預埋當開河道鑄其背曰莫道石人一隻眼
此物一出天下反掘者得之驚詫而倡亂矣河
南江淮之民翕然從之劉福通等共尊山童爲
主然爲官兵捕急山童被擒其妻楊氏與其子